


佩蘭逝世周年悼念文

夫清濤敬獻 一九九五年十一月十八日

段清濤

民國八十三年十一月十八日葉佩蘭學姐逝世周年，
段清濤學長在墓前宣讀悼念文



嗚呼佩蘭，逝已期年，身埋墓地，魂魄歸天。
自汝走後，日夜思念，冥冥長夜，輾轉無眠；
歷歷往事，盡來腦間。日寇入侵，避難西南，
月入菲薄，生計維艱；汝出富家，何堪熬煎？
終日歡笑，永無怨言。友朋相聚，說苦道艱！

有汝在座，眾皆騰歡。日寇逞兵，西侵桂黔，
賴汝人脈，家得保全。鐵路拆毀，調職赴滇，
西去騰衝，歷盡艱險。勝利赴平，家道稍安。
旋赴東北，雪地冰天；每日從公，徒步往返，
北風凜冽，雪花撲面，天寒路滑，苦痛何堪！

調職赴台，生計仍艱，養育子女，大任汝肩，
我何愚魯，盡責殊鮮。教育子女，慈心一片，
循循善誘，母愛齊天。稚齡長子，口腹食貪，
多食必病，屢病屢犯；體溫驟升，形似癩痢；
悉心看護，多夜無眠，心急如焚，摧腸裂肝。

強人屬汝，挑戰苦艱，寬得善職，家脫困難；
工作繁累，日仍歡顏。汝任斯職，十有三年。
另換新職，意恰心歡。和諧儕輩，績效突顯；
同仁崇敬，達於毫巔，頂峰深信，從無違言；
汝愛斯職，情深意遠。愛女患病，行止難斷；

事業母愛，內心交煎，忍痛捨職，赴美護看。
出資購藥，親事烹煎，日夜獨處，枯寂難言。
旅美稍久，形神呆慢。返台稍憩，與友聯歡；
不出旬日，神情丕變。清夜苦思，我心何安？
心疼子女，台美往返，善護愛女，兼及二男。

烏鴉反哺，孝思綿綿，汝輩子女，善體斯言！
加入崇她，結友聯歡，旅遊四洲，名城幾遍；
後死我等，心得稍安。大難忽降，肘腋生變；
乳腦手術，幸脫難關。返家靜養，祈禱復原。
腦部溢血，醫難回天；汝去何速，未留片言。
我心頹靡，照看不全，追憶往事，痛極呼天！

每屆週末，趨赴墓園，鮮花一捧，聊解思念。
子媳爭碑，我佇碑前，冥思前塵，涕淚漣漣。
死者已矣，生者何堪！鮮花常設，伴汝靈前；
每睹遺容，淚濕衣衾。孤衾獨卧，清燈一盞，
追念前情，泣不成眠，此情此景，人何以堪！

趙春官先生 事略

趙春官先生治喪處

汝愛母校，服務多端，另撰悼文，歷述貢獻，友聲刊出，待焚墓前，在天之靈，汝當聞見。獎學金設，永垂思念，汝已歸主，常在主邊，善事吾主，永得歡顏。我已康復，幸毋顧念！今日祭汝，祈福祈安。嗚呼嗚呼，佩蘭佩蘭！



民國四十六年葉佩蘭學姐(二排左三)
與民航公司同仁於耶誕夜前攝於梅公館

先生諱春官，字伯卿，一九一〇年出生於江蘇省東台縣塘壩鎮，幼而聰穎，父振甫公為文史名家，授以詩經論孟等篇，輒能曉其大義。一九二五年完成小學教育後，就讀江蘇省立揚州中學，一九三〇年畢業，考入上海國立交通大學土木工程學系，該校為當時國內最負盛名之學府，菁菁學子無不以考入該校為畢生榮幸，以是競爭激烈，錄取纂嚴，先生得以一發中的，實由平時勉學所致也。

一九三四年先生大學畢業，奉交通部分發各鐵路工務段服務，先後派赴粵漢路、京贛路及黔貴路擔任橋樑設計及監造工作，閱時十年之久，每於重要工程完竣後歷蒙上級主管機關予以獎述，職務亦由實習生洊升至工程司、段長、主任等職。

一九四五年抗戰勝利，先生承交大同學徐人壽先生邀請來台至基隆港務局服務，歷任工務組長及總工程師職務達二十年，中間並蒙政府派往美國航務局介紹至各海港研究實習，得以增長閱歷。維時基隆港為本省北部唯一之貨物吐納港口，接事之初，首將戰爭破壞部份一一加以修復，繼為配合國家經濟發展，業務急遽成長，需加速進行全港擴建工程，悉由先生主持其事，以規畫執行得宜，遂能適應需求，達成任務。

一九六六年先生承李國鼎先生推薦任新加坡經濟發展局技術顧問，協助該國港務工程，一九六七年復應召回國，協助台船公司新建十萬噸船塢工程，為國家造船工業奠立基礎。

一九六九年先生應費驊先生之邀參與財團